



秦少游詩集

四



秦少游先生小序

學士在宋朝為偉丈夫也中年

老于遷徙多江湖節烈之風多

夜雨牢騷之聲及卒子瞻嗚咽

三後于簡牘有以也夫何獨於

詩歌無論小詞皆纖妍宛委絕條  
上之素手亦城中之高髻也所傳  
銷魂句子別有一王孫芳草在  
外史載學士將夜嶺南酒壚間一  
青銷子能為金縷唱者半學士

詞學士許以執巾馬未亥詞學士

矢一慟而絕嗟夫學士終身之節  
廼有時柔之而死子不觀啼鳴叱咤

泣虞神仙人封禪之壘帳中顧情以  
地出乎學士進而立大節退而賦閒

情庸何傷於則嘉隆諸公點宋  
音於李唐學解佩帶之垂羅而  
悉豈被深衣之板摺不第昧乎詩  
抑且乖乎人情矣

潘是作後



秦少游詩集目錄

第一卷

五言古詩

田居四首

次韻邢敦夫

和孫莘老

和游金山

同子瞻端午日遊

同子瞻賦游惠山

送裴仲謨

題雙松寄陳季常

徐仲車食於學

次韻夏侯太冲

送張和叔

和裴仲謨

病犬

雷陽書事

泊吳興西觀音院

司馬遷分韻

春日雜來

次韻奉酬丹元先生

和王忠玉提刑

艇齋并敘

和子瞻雙石

海康書事十首

次韻曾存之嘯軒竹

荷花

春日雜興四首

第三卷

秦少言古詩

和王通叟琵琶夢

和黃法曹憶

題腰裏圖

南都新亭行

寄萼薑法魚糟蟹

贈女冠暢師

徐得之閑軒

陳令舉妙奴詩

口號十首

擬李賀

氏擬李白

擬玉川子

答朱廣微

送僧歸保寧

漫郎

記夢答劉全美

和虛飄飄

題楊康功醉道石士

送蔡子驥

和裴仲謨放兔行

送喬希聖

第三卷

五言律詩

次韻子由題斗野亭

過六合水亭

對淮南詔獄

次韻答米元章

次韻安州晚行

悼王子開二首

睡起

懷孫子實

宿參寥房

次韻米元章

次韻酬陳傳道

第四卷

五言排律

德清道中

鮮于子駿

次韻莘老

送陳太初道錄

贈蘇子瞻

還自湯泉

第五卷

七言律詩

寄題王欽

次韻酬周開祖

次韻子由題九曲池

次韻子由題蜀井

次韻子由題摘星亭

次韻謝李安上惠茶

次韻范純夫

次韻公闢

辨才法師

次韻公闢卽席

寄公闢

奉和莘老

擬杜子美

擬杜牧之

擬白樂天

題闔求仁 二首

懷李公擇 二首

題湯泉

流觴亭

遊龍瑞宮

睡足軒

寄孫莘老少監

次韻馬忠玉

寄李公擇郎中

次韻子瞻

遊鑑湖

別程公闢給事

客有傳朝議

顯之禪老

和孫莘老遊龍洞

寄新息王令

次韻太守 二首

寄錢節

次韻答裴仲謨

答曾存之

春日寓直

答闔求仁

與鄧慎思



燕觴亭

會蓬萊閣

第六卷

七言絕句

春日三首

早春

無題

金山晚眺

雪上感懷

春詞五首

呈李公擇

賞酴醿有感

首夏

照閣

睡足

春日

秋日三首

次韻子由 二首

還自廣陵六首

秦少游詩集

宋秦觀少游甫著

明潘是仁初叔甫輯校

五言古詩

田居四首

雞號四鄰起結束赴中原戒婦預為黍呼兒隨掩  
門犁鋤帶晨景道路更笑喧宿潦濯芒縷野芳簪  
髻根霽色披宵靄春空正鱗繁辛夷茂橫阜錦雉  
豔空園少壯欲雲趨伶俜尚鴟蹲蟹黃經雨潤野

齊日三首

大體十首

二首

馬從風犇村落次第集隔牖致寒暄眷言月占好  
努力競晨昏

入夏桑柘稠陰陰翳虛落新麥已登場餘蠶猶占  
箔隆曦破曾陰霽霽收遠壑雌蜺卧淪漪鮮飈泛  
藜薄林深鳥更鳴水漫魚知樂羸老厭煩敲解衣  
屢槃 蔭樹濯涼颺起行遺帶索豕婦餉初還丁  
男耘有託倒苧備青錢鹽茗恐垂橐明日輪絹租  
鄰兒入城郭

昔我蒔青秧廉纖屬梅雨及茲欲成穗已復頽星  
暑遲暮易昏晨槎落多砧杵村迥少過從客來旋  
炊黍興發卽杖藜未嘗先處所褰裳涉淺瀨矯首  
沒孤羽藁祠土鼓悲野埭鷓鴣舞雉子隨販夫老  
翁拜巫女辛勤稼穡事惻愴田疇語得穀不敢儲  
催科吏旁午

嚴冬百草枯鄰曲富休暇上井時一汲柴車久停  
駕寥寥塲圃空跼跼烏鳶下孤榜傍橫塘喧春起  
旁舍田家重農隙翁媪相邀迂班坐醞酒醪一行  
三四謝陶盤奉旨蓄竹筴羞雞肉飲酣爭獻酬語

關或悲咤悠悠燈火暗刺刺風飈射客散靜柴門  
星蟾耿寒夜

次韻邢敦夫秋懷十首

驅車陟高丘却望大梁圻馳道入雙闕勾陳連太  
微夷門壯下屬清洛相因依美哉吾黨士臯高良  
可希

暮有二客至俱以能禪聞一枝惠林出一派智海  
分言各不相可往來劇絲芬謝客姑舍是妨余醉  
看雲

昔者曾中書門戶實難瞰筆勢如長淮初源可觴  
濫經營終入海欲語焉能暫斯人今則亡悲歌風  
慘愴

渤海有巨鰲其顛冠嵯峩宿昔嘗小拊八絃相盪  
摩忽遭龍伯八一舉空潮波取皮煎作膠清此崑  
崙河

蝮蛇初螫手壯士斷其腕豈不悲毀傷所卹在軀  
幹西羌沙鹵地置戍或煩漢雞肋不足云阿瞞妙  
思筭

湯湯辟雍流中有學子居但說若稽古言猶三萬  
餘來者轉相祖詞林日凋踈稍喜績溪令入校天  
祿書

匠氏構明堂百材入斤斧儻非豫章陳亢長亦焉  
取英英范與蘇器識兼文武胡爲先一州不用作  
霖雨

憬彼高句麗來修裔夷職天都富如海勞汝送涓  
滴軸艫尾相銜遠近困供億止沸當絕薪揚湯有  
無益

祖宗舉賢良充賦多名儒執事惡言者此科爲之  
無雖有仲舒錯或橫江潭魚果欲鳴鳳至還當種

椅梧  
邢侯秋臥病揮毫見深衷廢者二三子翕然笙磬  
同不爲兒女姿頗形四方風屬有山水念因之絲

與桐

和孫莘老題召伯斗野亭

淮海破冬仲雪霜滋不平芰荷枯折盡積水寒更  
清輟棹得佳觀湖天繞朱甍信美無與濁醪聊

自傾北眺桑梓國悠然白雲生南望占邦溝滄波  
帶蕪城村墟翳茅竹孤烟起長烹簷間鳥聲落客  
了念當行攬衣視日景薄陰漏微明何時復來遊  
春風發解榮

和游金山

江流會揚子洶洶東南驚海門劃前開金山屹中  
據鼓鍾食萬指金艘棲千桂夜庭游月波曉觀搏  
香霧天清猿鳥哀風暗魚龍怒雲物橫古今濤波  
閱晨暮三州氣色來上下端倪露偉哉元氣間此

勝知誰聚念昔憇精廬登臨輒忘去汲新試團月  
飯素羹魁芋妙典入芳勝真境在芒屨別來星暑  
換寤寐經從處忽蒙珠璧投了與雲巒遇幽光炯  
肝肺爽氣森庭戶區中多滯念方外饒奇趣寄語  
山阿人冷然行復御

同子瞻端午日遊諸寺賦得深字

太史抱孤韻暢懷在登臨別乘載鄒枚佳辰事幽  
尋參差水石瘦窈窕房櫳深清磬發踈箔妙香橫  
素襟復登翠堵坡環回矚嶽峯雙溪貫城郭暝色

帶孤禽涼颺動爽籟薄雨生微陰塵想澹清漣牢  
愁洗芳斟揮筆訂往古援毫示來今愧無刻燭敏  
續此金玉音

同子瞻賦游惠山

輟棹縱幽討籃輿入青蒼圓頂相邀迓旃檀燎深  
堂層巒淡如洗傑閣森欲翔林芳含雨滋岫日隔  
林光涓涓續清溜靡靡傳幽香俯仰佳覽眺悠哉  
身世忘

送裴仲謨

君子出於德妙高如匹石但見廣廈成不見斧斤  
迹厚爲諸兄奉自奉頗云嗇三生陽亢宗薄俗有  
慙色汝南古佳郡月旦評一易爾來似揚州不辨  
龍蜥蜴短簿髯參軍喜怒移頃刻正平竟獲免寔  
我文舉力念公多乖隔憂思加紡績耻爲兒女仁  
到此淚橫臆熙朝大烹飪賢者不家食朝爲郡縣  
吏暮作臺省客矧聞諸法從久欲薦言責去去勿  
重陳九萬自此繫

題雙松寄陳季常

遙聞連理松託根黃麻城枝枝相鈎帶葉葉同死  
生雖云金石姿未免兒女情想應風月夕滿庭合  
歡聲

徐仲車食於學官吏或以爲不可欲罷去之  
太守不聽禮遇如初感之而作

許丞老病聾督郵白欲廢賢哉黃次公鑒裁實精  
詰殷勤謝督郵此丞乃廉吏重聽庸何傷善助無  
失意古人骨已朽來者復誰繼仲車天下士固非  
許丞類至行通神明問學有根柢若充老更聘日  
革風俗獎太守前已聞粟帛俄見賜奈何少年子  
輒効督郵事道喪賢哲窮聞之爲流涕人心如其  
面難以一律撥所望在次公督郵何足議

次韻夏侯太冲秀才

儒官飽閑散室若僧坊靜北窻腹便便支枕看斗  
柄或時得名酒停午猶中聖醒來復何事兼筆賦  
秋興焉知懶是真但覺貧非病茫茫流水意會有  
知音聽鐘鼎與山林人生各天性

送張和叔兼簡黃魯直



汝南如一器百千聚飛蚊終然鼓狂鬧啾啾竟誰  
聞議郎盛德後清修繼先芬未試霹靂手低回從  
此君學官冷於水壘鹽度朝曛間蒙相煖熱破憂  
發孤欣君今又復去冀北遂空群豈無一樽酒誰  
與通殷勤大梁多豪英故人滿青雲爲謝黃叔度  
鬢毛今白紛

和裴仲謨摘白鬚行

仲將題凌雲此訖鬚盡白陸展媚側室星星染爲  
黑人生如寄耳况復形與色澤壑藏山舟夜半輪

有力麗眉三不遇已矣何所惜二毛賦秋興自愛  
頗姑息聞諸古竺乾毛髮因地得數窮反其本螻  
螳得而食妙年光可鑒炯若鴉羽戢映梳漸蕭蕭  
變化了無隙所以梵志云昔人已非昔皤然君勿  
笑子羽以貌失信美如客兒終剪施摩詰我作白  
鬚行而得養生術

病犬

犬以守禦用老憊將何爲踉蹌劣於行纍然抱渴  
饑主人恩義易乃爲升斗資追隨不肯去猶若戀

藩籬屠膾意得逞烹庖在須斯糟糟固非意豚豕  
同一時念昔初得寵青韉纏毳絲飼養候饑飽動  
止常相隨胡云不終始委逐在衰遲大死不足道  
固爲主人悲

雷陽書事

駱越風俗殊有疾皆勿藥東帶趨祀房瞽史巫紛  
若絃歌薦蘭栗奴主洽觴酌呻吟殊未央更把雞  
骨灼

泊吳興西觀音院

金刹負城闐闐然美栖止卞山直穹窿菖水相依  
倚霜檜鬱冥冥海棕鮮蕤蕤廣除庇夏陰飛棟明  
朝晷溪光鳧鷺邊天色孤蒲裏緒風傳晝焚壁月  
窺夜禮洩雲堦層空規荷鑑幽泚鯨鯢烟際下鍾  
磬林端起聲牙戲清深嶽峯撲空紫所遇信悠然  
此生如寄耳志士耻溝瀆征夫念桑梓攬衣軒楹  
間嘯歌何窮已

參朴司馬遷

分韻得  
壑字

子長少不羈發軔遍丘壑晚遭李陵禍憤悱思遠

託高辭振幽光直筆誅隱惡馳騁數千載貫穿百  
家作至今青簡上文彩炳金鑊高才忽小疵難用  
常情度譬彼海運鵬豈復顧繒繳區區班叔皮未  
易議踈略且志士孤憤豈公夫念榮華非亦不  
春日雜詠  
東方有美人容華茂春粲抱影守單樓含睇理哀  
彈聲意一何切所歡邈雲漢徒然事膏沐孰與徂  
昏旦微誠浪自持嘉月忽復晏巧轉度虛櫺飛紅  
觸幽慢歲歲芳草滋夜夜明星爛合并會有時索

居不必歎

寢瘵倦文史駕言從遨嬉颺風舉遙淑規日麗清  
漪含桃粲朱實杜若懷碧滋娉娉弱絮墮圍圍文  
魴馳明霞廓遠矚哀禽攪離思縈草天際合孤雲  
川上移寬閑絕輪鞅重複多路岐信美難久佇歸  
歟從所治

昔我遊京室交通五陵間主客各英妙袍馬相追  
攀千金具飲啜百金雇吹彈纓弁羅廣席當頭舞  
交竿鮮粧耀淥酒采纈生風瀾燈燭暗夜艾士女

紛相班歡娛易徂歇轉眄如飛翰疊疊負孤願離  
離銜未歡山鳥窺名飲簷花笑蔬殮棄捐勿重陳  
事定須蓋棺  
客從遠方來遺我昭華管吹之動人心異境生虛  
窾礫礫青嶂橫泱泱春溜漸馬蹄交狹邪車轂錯  
平坦士女競芳辰禽魚蔭修竿依微認睇笑凌沒  
見纖短停吹歛泯滅耽耽復空館靈物信所珍顧  
恨知音罕

桃李用事辰鮮明奪雲綺繁華一朝去默默慚杞

梓時徂鷹化鳩地遷橋爲枳獨有羨門生後天猶  
不死藝籍燔祖龍斯文就淪喪帝矜黔首愚諸雋  
出相望楊馬操宏綱韓柳激頽浪建安妙謳吟風  
槩亦超放玉繩帶華月艷艷青冥上樂世希未光  
經緯得無妄兒曹獨何事詆斤幾覆醬原心良自  
誣猥欲私所尚墜珥拒飛轍精衛填溟漲咄咄徒  
爾爲東海固無恙鴈鷺日彫滅黃口紛冗長投袂  
睇層霄茲懷誰與亮

同子瞻賦游惠山一首

王武陵韻

輟棹縱幽討籃輿入青蒼圓頂相邀迓旃檀燎深  
堂層巒淡如洗傑閣森欲翔林芳含雨滋岫日隔  
林光涓涓續清溜靡靡傳幽香俯仰佳覽眺悠哉  
身世忘

次韻奉酬丹元先生

金華紫烟客來作牧羊兒至言初無文尋繹自成  
詩二景入妙解元氣含烟詞憐我鬣蒼浪黃埃眩  
蟲絲勸解冠上纓一濯含風漪攝身列缺外倒躡  
蜿蜒鬢維斗錯明珠望舒耿脩眉真游無疆界浩

蕩天風吹

次韻夏侯太冲秀才

儒官飽閑散室若僧坊靜北牕腹便便支枕看斗  
柄或時得名酒停午猶中聖醒來復何事秉筆賦  
秋興焉知懶是真但覺貧非病茫茫流水意會有  
知音聽鐘鼎與山林人生各天性

和王忠玉提刑

嵩峯何其高峯高氣尤清念昔秋欲老從公峰下  
行古木上參天哀禽報新晴脩塗雲外轉槁葉風

中零曛黑度伊水耿然古今情黎明出龍門山川  
奔難名信美非吾土顧瞻懷楚萍美人天一方傷  
哉誰日成黃綬我聊爾白鷗公勿驚糟醕可舖啜  
古人忌偏醒

艇齋

并叙

予以典校史領俸錢塘邂逅得友丁君彥良於  
陳留官舍丁君彥良少氣雋誦詩文疊疊不休  
動有過人語深恨得之晚也臨分以艇齋詩速  
予賦爲寄題一篇

平生樂漁釣放浪江湖間兀兀寄幽艇不憂浪如  
山聞君城鄙居左右羣書環有齋亦名艇何時許  
追攀鈞古不鈞今所得孔與顏不然如爾祖跨鶴  
出塵寰

和子瞻雙石

天鏡海濱石爵若龜毛綠信爲小仇池氣象宛然  
足連巖下空洞鼎張彭亨腹雙峰照清漣春眉鏡  
中感疑經女媧鍊或入金華牧鑪熏充雲氣研滴  
當川瀆尤物足移人不必珠與玉道傍初無異漢

將疑虎伏支機亦何據但出君平卜奇疆入華林  
傾都自追逐我願作陳那令吼震山谷一拳旣在  
夢二駒空所欲大士捨寶陀仙人遺句曲惟詩落  
人間如傳置郵速

海康書事十首

白髮坐鉤黨南遷海瀕州灌園以餬口身自雜蒼  
頭籬落秋暑中碧花蔓牽牛誰知把鋤人舊日東  
陵侯

荔子無幾何黃柑遽如許遷臣不惜日恣意移寒

暑層巢俯雲木信美非吾土草芳自有時鴨鵝何  
關汝

卜居近流水小巢依嶽岑終日數椽間但聞鳥遺  
音鑪香入幽夢海月明孤樹鷓鴣一枝足所恨非  
故林

培塿無松栢駕言出焉遊讀書與意會却掃可忘  
憂尺蠖以時詘其信亦非求得歸良不惡未歸且  
淹留

粵女市無常所至輒成區一日三四遷處處售鰕

魚青裙却不襪臭味爰與狙孰云風土惡白州生  
綠珠

海康臘已酉不論冬孟仲殺牛糶祭鼓城郭爲沸  
動雖非堯曆頌自我先人用大笑荆楚人嘉平獵  
雲夢

粲粲菴摩勒作湯美無有上客賦驪駒玉奩開素  
手那知蒼梧野棄置同芻狗荆山玉祗鵲此事繇  
來久

裔土桑柘希蠶月不紡績吳絹與魯編取其鯛舩  
客一朝南風發家室相怵迫半賈鬻我藏倍稱還  
君息

一雨復一暘蒼茫颶風發怒號兼晝夜山海爲顛  
蹶云何大塊噫乃爾不可遏黎明衆竅虛白日麗  
空闊

合浦古珠池一熟胎如山試問池邊蜃云今累年  
閑豈無明月珍轉徒溟渤間何關二千石時至自  
當還

次韻曾存之嘯竹軒



翩翩曾公子子猷定前身嗜好準疇昔了然不緇  
磷寄食平準官植竹當比隣朝與竹相對暮與竹  
相親安可一日無此君真可人

荷花

方塘收雨脚踏日半遙岑芙蓉淨娟娟麗服撫翠  
衾無言意自遠欲渡秋水深緬懷平生人對比詎  
可尋弄芳惜晚晚酒至誰與斟天涯有歸雲聊寄  
相思心心開獲清賞芙蓉一何漪美人艷新粧歛  
袂照秋水端爲蕩子妻顧自良家子黃金選燕趙  
搖落對芳沚薄暮風雨來獨立淚如洗望君君詎  
知傾心定相似

春日雜興

飄忽星氣徂青陽迫遲暮鳴飛各有適赤白紛無  
數雨砌墮危芳風軒納飛絮褰幃香霧橫岸幘雲  
峯度林影舞窻扉池光染衣履參差花鳥期躑躅  
琴觴趣撫事動幽尋感時遺近慕秣馬膏余車行  
行不周路

結髮謝外好僂俛希前修繆挾江海志耻爲升斗

謀猷歷難刻畫賤貧多釁尤發朝皆伊闕解驂憇  
刊溝丹鉛費未晷麴蘗毆深愁壁月鑿簾櫳珠星  
絡梧楸泯泯渠水駛霏霏花霧浮公子悵何許撫  
膺徒離憂

潭潭故邑井猗猗上宮蘭不食自清潔莫服更幽  
閒志士耻弱植卷跡甘饑寒佳晨追良覲觸物懸  
悲端川途眇回遠經歲曠音翰豈不慕裘馬詭得  
非所安蟬冕多怵迫繩樞尠憂患枉尋竟何補方  
枘城獨難

吳會雖褊小海濱富奇峯天雞一號叫劔戟明遙  
空谿谷相徑復深林杳攢叢猿吟虎豹啼雲氣迷  
西東中有遯世士超然闕孤蹤被蘭服明月起坐  
松聲中夜鍛吸沆瀣朝琴庇青葱騎星友元氣巢  
許安可同俛眄區中人飛埃集毛鋒問津或不謬  
從子游鴻蒙

秦少游詩集卷之二

宋秦觀

少游甫著

明潘是仁

訥叔甫輯校

七言古詩

和王通叟琵琶夢

鷓鴣鳴時衆芳歇  
草堂夢斷音容絕  
風驚玉露不成圓  
一夜芙蓉泣秋月  
金紋捍面紫檀槽  
曾抱花前送酒船  
庾郎江令費珠璧  
小研紅牋揮兔毫  
風流雲散令人瘦  
忍看麴塵昏錦綬  
楚水悠悠更不

西上天破鑑空依舊

和黃法曹憶建溪梅花

海陵參軍不枯槁醉憶梅花愁絕倒爲憐一樹傍  
寒溪花水多情自相惱清淚斑斑知有恨恨春相  
逢苦不早甘心結子待君來洗雨梳風爲誰好誰  
云廣平心似鐵不惜珠璣與揮掃月沒參橫盡角  
哀暗香銷盡令人老天分四時不相貸孤芳轉盼  
同衰草要須健步遠移歸亂插繁華向晴昊

題腰裏圖

雙瞳夾鏡權協月尾鬣蕭森澤於髮鞍銜不施韁  
復脫旁無馭者氣騰越地如砥平丘隴滅天寒日  
暮抱饑渴驤首號鳴思一發超軼絕塵入恍惚東  
門金鑄久銷歇曹霸丹青亦云沒賴有龍眠戲揮  
筆眼前時見千里骨玉臺閭闔相因依嗟爾龍媒  
空自奇鸞旗日行三千里焉用逐風追電爲

南都新亭行寄王子發

洛水云云天上動道入隋渠下梁宋宋都堤上十  
二亭一一飛驚若鸞鳳光華遠繼周王雅宴喜還

歸魯侯頌玉觴嚴令肅衣冠金縷哀音繞梁棟  
娟娟殘月照波翻習習暖風吹鳥哢何處高帆落文  
鷁誰家駿馬嘶征鞚柳枝芳草恨連天暮雨朝雲  
同昨夢借問亭名製者誰留守王公才望重胸中  
雲夢吞八九日解千牛節皆中祥符相公寔曾祖  
庭列三槐多伯仲承明厭直出荊州轉守此都行  
大用此都行大用此都去天纔尺五交廣荆陽歸  
引控兔園事迹化黃埃清冷文雅堪長慟舳艫銜  
尾車挂鞵昨日出迎今日送送故迎新無已時古

往今來相戲弄亭下嶽崎淮海客末路逢公詩酒  
共一樽明日難重持豈恤官期後芒種今年氣候  
頗云早天矯梅花春欲縱行見亭中祖帳開千乘  
送公歸法從

寄尊薑法魚糟蟹

寄子瞻

鮮鯽經年漬醯醑團臍紫鱗脂填腹後春尊茁滑  
於酥先社薑芽肥勝肉鳧卵纍纍何足道釘餛盤  
殮亦時欲淮南風俗事瓶罌方法相傳爲旨蓄魚  
鱸蜃醢薦邊豆山藪溪毛例蒙錄輒送行庖當繫

鮮澤居備禮無麋鹿  
氣本贈女冠暢師  
瞳人剪水腰如束一幅烏紗裹寒玉飄然自有姑  
射姿回看粉黛皆塵俗霧閣雲牕人莫窺門前車  
馬任東西禮罷曉壇春日靜落紅滿地乳鷓啼

徐得之閑軒

建安自古多俊髦徐子磊落尤其豪論兵說劍走  
湖海身勤事左無所遭綠水五校已屠膾黑衣三  
衛嗟徒勞歸來故山便卜築脫棄萬事輕鴻毛橫

前澗水漱寒玉傍舍老櫪藏飛猿山蔬何用魏梁  
肉鶴髦未必輸青袍追寒弄月有真意慎勿輕語  
傳兒曹

陳令舉妙奴詩

西湖水滑多嬌嬌妙奴十二正芬芳肌膚皙白髮  
脚長含語未發先有香溪上夜燕侍簪裳皎如華  
月墮滄浪音聲入雲能斷腸不許北客辭酒漿主  
人藹藹邦之良少年射策謁未央俊詞偉氣森開  
張玉杓貫斗生怒芒天欲文采老更昌故使歛翮

窺羣翔五十僅補尚書郎  
浩歌騎牛倚徇伴東風  
戲雨花草狂三溪泱泱  
青黛光妙奴勿倦侑羽觴  
主人正欲游醉鄉

口號

美酒忘憂之物流光過隙之駒  
不稱人心十事常居八九  
得開口笑一月亦無二三  
莫思身外無窮且賭尊前  
見在功名富貴何異楚人之弓  
城郭人民間取遼東之鶴  
付與香鈿畫鼓盡歡美景良辰  
欲奏長謠聊陳短韻平原居士  
今無影鸚鵡空洲

誰舉杯猶有漁陽搥撾鼓  
爲君醉後作輕雷

擬李賀

魚鱗甃空排嫩碧露桂梢寒  
桂團壁白蘋風起吹北窓  
尺鯉沉沒斷消息燕子將雛  
欲歸去沈郎病骨驚遲暮  
濃愁茫茫寄何處萬里江南  
芳草路

擬李白

芙蓉露濃紅壓枝幽禽感秋  
花半啼玉人一去未回馬  
梁邊燕子三見歸江頭白蘋  
老波底尺書不來空相望  
斜吹疎雨濕秋江霜風暗引  
芙蓉渠香石

上菖蒲三尺長綠頭鴨兒棲萍草採蓮女郎咲花  
老木蘭船上動江水不覺鴛鴦帶波起

擬玉川子

南州有病客起臥北窓下玉兔嚼光照清夜故人  
別我京洛遊不寄一行三改秋秋色變冷客裘薄  
漸覺衣袂寒颼颼作詩欲寄君未語先有愁不如  
呼童起危坐北窓下一杯寬我千日憂眼前俗事  
何擾擾此夕盡向杯中休何必懷黃金印今爵通  
侯

答朱廣微

廣微才華殆天賦十歲孤山有佳句又夢東林飲  
虎溪歎息清風人不悟自爾所見無全牛桐栢崑  
崙日傾注蔥蘢曉景破新花躑躅老拳擒脫兔身  
勤事左竟何成巧迫化工天所怒兩鬢鬣生滄海  
頭強學禪那慰遲暮昨夜燈花吐金粟曉烹鯉魚  
得尺素笑我徜徉吳楚間經卷酒卮隨所遇人生  
迂意十八九月得解顏能幾度著書準易空自疲  
服藥求仙良亦悞北風老矣無能爲行看黃鸝語



飛絮安得從君醉百場落筆珠璣不論數

送僧歸保寧

西湖環繞皆招提樓閣晦明如臥披保寧復在最佳處水光四合無端倪車塵不來馬足斷時有海月相因依卜人弱齡已隸此心月所證惟瑰琦白玉芙蓉出清沼天然不受緇塵擾坐客一語不入意目如明星視飛鳥冠切雲兮佩玉難上人顧之真等閑應緣聊入人間世興盡却歸湖上山伊周久欲窺禹穴矧今仲父官東越行挽秋風入剡溪

爲君先醉西湖月

漫郎

元公機鑿天所高中與諸彥非其曹自呼漫郎示真率日與聱叟爲嬉遨是時胡星殞未久關輔擾擾猶弓刀百里不聞易五殺三士空傳殺二桃心知不得載行事俛首刻意追風騷字皆華星章對月漏洩元氣煩揮毫倚玕春深茂花竹九疑日暮吟衰猱紅顏白骨付清醪一官於我真鴻毛乃知達人妙如水濁清顯晦惟所遭無時有祿亦可隱

何必龕巖遠遁逃

記夢答劉全美

歲逢困敦斗申指辰次庚辰漏傳子夢出城闔登  
古原草木榮天帶流水千夫荷鍤開久殯前有一  
人狀瓌偉素冠長跪烝酒殺云是劉郎字全美馬  
鳴車響斷還續人境晦明秋色裏既寤茫然失所  
遭河轉星翻汗如洗世傳夢凶常得吉神物戲人  
良有旨全美聲名海縣聞閉久當開乃其理娟娟  
二十四橋月月下吹簫聊爾耳洗眼看君先一鳴

九萬扶搖從此始

和虛飄飄

虛飄飄虛飄飄風寒飄絮浪春暖履冰橋勢緩霜  
垂霰聲乾葉下條雨中漚點沒流水風裏綵雲鋪  
遠霄虛飄飄比時光影猶堅牢

題楊康功醉道士石

黃冠初飲何人酒徑醉頽然不知久風吹化石楚  
山阿藤蔓纏身蘚封口常隨白鶴亦飛去但有衣  
冠同不朽異物終爲賢俊得野老田夫豈宜有華

陰楊公香按吏一見遂作忘年友日暮西垣視草  
歸往往對之傾數斗大夢之間無定論啓母望夫  
天所誘穀城或與子房期西域更爲陳那吼我疑  
黃冠反見玩若此堅頑定醒否何當一笑凌蒼霞  
顧謝主人聃舉手

送蔡子驤用蔡子駿韻

越絕山川遠相屬萬壑千巖抱青綠臥龍一峯稱  
是奇遶趾清漪如帶束鏡水春生鴟尾銜稽山日  
暮猿聲續三休上與蓬萊接登眺使人遺寵辱我

昔東游觀禹穴痛飲狂歌得所欲上天何曾有官  
府鸞鳳日日遭鞭朴僧坊畫壁閱幾徧神妙難忘  
獨金粟華胥夢斷已十年又見春風煮錫粥苧羅  
若耶固依舊可憐雲月誰追逐故人淡泊出天性  
鷓鴣巢林一枝足不肯絃歌甘筦庫還同市門隱  
梅福性應月下小叢歌尚有哀音傳舊俗

和裴仲謨放兔行

兔饑食山林兔渴飲川澤與人不瑕疵焉用苦求  
索天寒草枯死見窘何太迫上有蒼鷹禍下有黃

犬厄一死無足悲所耻敗頭額敢期揮金遇倒橐  
無難色雖垂獵者意頗塞仁人責兔兮兔兮聽我  
言月中仙子最汝憐不如亟返月中宿休顧商巖  
并嶽麓

徐得之閑軒

建安自古多俊髦徐子磊落尤其豪論兵說劍走  
湖海身勤事左無所遭綠水五校已屠膾黑衣三  
衛嗟徒勞歸來故山便卜築脫棄萬事輕鴻毛橫  
前澗水漱寒玉傍舍老樨藏飛猱山蔬何用媿梁  
肉鶴氅未必輪青袍追寒弄月有真意慎勿輕語  
傳兒曹

送喬希聖

鷗翔蓬蒿非所悲鵬繫風雲非所喜貴賤窮通盡  
偶然回頭總是東流水我思田文昔相齊朱袍照  
日如雲電三千冠佩醉明月清歌一曲傾玻璃如  
今陳迹知何在但見荒冢烟蕪迷又思原憲昔居  
魯門戶東西閉環堵杖藜對客騁高談自覺胸襟  
輩堯禹如今寂寞已成塵空有聲名掛千古送君

去何時回世間如此令人哀我徒駐足不可久笑  
指白雲歸去來

秦少游詩集

宋秦觀少游甫人著

明潘是仁 訥叔甫輯校

五言律詩

次韻子由題斗野亭

滿市花風起平堤漕水流不堪春解手更爲晚停  
舟上埭天連鴈荒祠木蔽牛杖藜聊復爾轉眄夕  
烟浮

過六合水亭懷裴博士次韻二首

次華老

昔同裴博士酌酒俯庭柯晚岫潭潭碧風池瑟瑟  
波蒼崖遺老沒白首故人過轉眄成陳迹勞生可  
柰何  
晚憇孤亭上羸驂繫斷柯荒門寒帶路空檻澗增  
波往事青山在餘生白鳥過誦言成絕語疊疊迫  
陰何言

對淮南詔獄

淮海行槎落文書亦罷休風霜欺獨宿燈火伴冥  
搜笳動朱樓曉參橫粉堞秋更拚飛鏡破應得大

刀頭

次韻答米元章

嗜好清無滓周旋粲有文揮毫春在手岸幘海生  
雲花鳥空撩我尊鱸正屬君惟應讀鷓鴣差不愧  
王筠

次韻安州晚行寄傅師

投暮安州北蒼煙亂眼昏茅茨人外路砧杵月邊  
村野水飛雲薄空林噪雀繁幾人堪此樂逢客莫  
輕論

悼王子開二首

蕭散竹林風平生約畧同官班嵇叔夜年輩晉安  
豐民詠濡須政朝推胸臆功九原無復作埋玉恨  
何窮

南浦維舟訪東堂抵榻眠後期猶指日輕別遂終  
天墨妙今初貴詩名久已傳清風知未墜諸子更  
翩翩

睡起

睡起東軒下悠悠春緒長爬搔失幽囀欵欠墮危

芳蛛網留晴絮蜂房受晚香欲尋初斷夢雲霧已  
冥茫

懷孫子實

舉眼趨浮末斯人獨好脩青春三不感黃卷百無  
憂玉出方流潤鸞停翠竹幽相思自成韻不必寄  
西郵

宿參寥房

鄉國秋行暮房櫳日已暝驚風多犯竹破月不藏  
星鉤箔簷花動抄書燭燼零非關相見喜自是眼

長青

次韻米元章齋居即事

庭水雙株茂盆池一掬怪支頤魚出樂入皆鳥知  
還老境行將及仙書讀未閑因君歌鳳過通夕夢  
歸山

次韻酬陳傳道

白髮三冬學青衫八尺身誰知人上傑聊作吏中  
循揮翰通元氣開編友古人寄聲張氏子曲途豈  
長貧

秦少游詩集卷之四

宋秦觀少游甫公著

明潘是仁 訥叔甫輯校

五言排律

德清道中還寄子瞻

投曉理竿棹浮行耳目醒蟲魚各蕭散雲日共晶  
熒水荇重深翠烟山疊亂青路回逢短榜崖斷點  
孤翎叢薄開羅帳淪漪駕鏡屏路籬窺窈窕支港  
泛笳管遠淑依微見哀猿斷續夢長天杳杳人遠



樹冥冥旋思搖風旆歸期數月莫何時燃密炬復  
聽閣前鈴

鮮于子駿使君生日

往昔高堂夢熊熊兆吉占氣鍾西蜀季時應仲秋  
嚴江漢揮犀尾風雲下筆尖微辭追屈宋精義到  
黃炎操履森寒栢名聲耿夜瞻繫疆鷓鴣健治劇  
鷓鴣銛使者旌旄易將軍印綬添鴛鴻隨步武虎  
豹入韜鈴錦覆郎官綬彤垂太守禧兩行分密炬  
十里上珠簾禮士常懸榻誅姦或奮髯雨堂昏絳

帳風帙亂牙籤銀漢星初換金莖露已霑歡聲連  
北固壽邑亘東漸麗句充文几奇香初玉奩簪紳  
五福具罇俎四難兼賤子真姝幸清標獲屢覘誤  
蒙雕朽木猥辱畫無鹽嘉運方熙洽英才豈滯淹  
佇公歸法從行道慰民瞻

次韻莘老

妙齡隨計日紺髮度關年較藝先豪俊飛聲動耿  
綿祕書窺甲乙密室詣溫宣已叶半千運仍親尺  
五天御香春晚炷宮蠟夜深燃漢殿螭頭筆岐藩

幕下蓮孔鸞人共貴蘭蕙世皆憐附尾方瞳若提  
刀獨若然皂囊封細札青簡續遺編壁府深難造  
龍謀雋莫先大農參奏討宗伯與興賢玉鉉行真  
卽金甌忽浪傳兩輪茗上駕百丈剡中牽在苒馮  
唐老淹回賈傳還星霜俄九換金竹遽三遷鼓吹  
吳雲外旌旛楚水壩經綸殊未倦憂患復相連惡  
草空搖毒羣蝸謾污涎松筠終不易雨露竟無偏  
憔悴千株橘荒涼二頃田幾書借船帖屢廣絕交  
篇禪譽推龐蘊親評主閔騫懶因閑處極樂向靜  
中全歲月黃塵裏鶯花白髮前冰臺清照底玉海  
湛無邊身世尤飛隼功名眇蛻蟬蕉心難固待楮  
葉謾勞鑄佇續清都夢還隨濁世緣泉虬淹已久  
風翮奮應便預想朝元處簪裾立萬仙

送陳太初道錄

先生簪紱後世系本綿瓜駐馬生枯骨回車濟病  
虵帶雲眠酒市和月醉漁家落日千山路西風一  
枕霞幾年流俗笑一旦五侯誇碁惜春深日琴憎  
雨後蛙背因書字曲髮爲注經華地轉東淮水天

圃北斗車新宮黃道近舊隱白雲遐顧我身多累  
逢君意謾誇空提方士劔未上客星槎何日同歸  
去重飛九轉砂

贈蘇子瞻

嘆息蘇子瞻聲名絕後先衣冠傳盛事兄弟固多  
賢感慨詩三百流離路八千直心羞媚竈忠力欲  
回天縲紲終非罪江湖祗自憐饑寒常併日疾病  
更連年明主無終棄西州稍內遷奏言深意苦感  
涕內人傳前席須宣室非熊起渭川君臣悅相遇

願上角招篇

還自湯泉

歲晚倦城郭聯驂度業峩天黃雲脚亂村黑鳥翎  
訛潦水侵生路晴天落慢坡澄江練不卷溫井鑑  
新磨漁火分星遠沙鷗散點多霸祠題玉筍龍窟  
受金波琬琰存吳事兒童記楚歌孤龕瘦居士雙  
塔盞頭陔飛鼠鳴深穴胡蜂結巧窠晚參圓白足  
昏梵禮青螺雲馭沉荒鬻仙春沒淺莎杖藜從莫  
逆談笑入無何滲澹日連霧蕭颺風轉阿華清俄

夢斷回首失煙蘿

...

...

...

...

秦少游詩集

宋秦觀 少游甫著

明潘是仁 訥叔甫輯校

七言律詩

寄題王欽之自圓庵

誅茅北戶結圓廬  
從事風流入畫圖  
珠箔粉垣藏混沌  
葛巾藜杖造虛無  
春閑居士天花室  
書靜仙人白玉壺  
遙想吏行鳧鷖散  
沈烟一穗對團蒲

次韻酬周開祖宣義

并州令尹古人風淮海相忘十載中麗句曉披花  
綽約清談初扣玉丁東追攀昔共猗犴子嗜好今  
同桑苧翁所惜華船輕解綵未窺笠澤故書叢

次韻子由題九曲池

廣陵五題

蕭瑟通池闕茂林岸傍無復屬車音涵春似恨隋  
家遠漲曉疑連蜀井深闌草事空煙冉冉司花人  
遠樹陰陰勞生俛仰成陳迹縱有遺音可用尋

次韻子由題蜀井

蜀岡精氣瀦多年故有清泉發石田乍飲肺肝俱

澡雪反窺杖屨亦輕便炊成香稻流珠滑煮出新  
茶潑乳鮮坐使二公鄉思動放杯西望欲揮鞭

次韻子由題摘星亭

迷樓舊址

崑崙左右兩招提中起孤高雉堞西不見燒香成  
宿霧虛傳裁錦作障泥螢流花苑飛星亂蕪滿春  
城綠髮齊長憶凭欄風雨後斷虹明處海天低

次韻謝李安上惠茶

故人早歲佩飛霞故遣長須致茗芽寒橐遽收諸  
品玉午甌初試一團花著書懶復追鴻漸辨水時

能効易牙從此道山春困少黃書剗校兩三家

次韻范純夫戲答李方淑餽笋兼簡鄧慎思

楚山冬笋斲寒空北客長嗟食不重秀色可憐刀  
切玉清香不斷鼎烹龍論羹未愧蓴千里入貢當  
隨傳一封薄祿養親甘旨少滿包時賴故人供

次韻公闢會蓬萊閣

林聲撼撼動秋風共躡丹梯上臥龍路隔西陵三  
兩水門臨南鎮一千峯湖吞碧落詩爭發塔湧青  
冥盡幾重非是登高能賦客可憐猿鶴自相容

辨才法師嘗以詩見寄繼聞示寂追次其韻

遙聞隻履去脩然詩翰纔收數月前江海盡頭人  
滅度亂山深處塔孤圓憶登夜閣天連雁同看秋  
崖月破煙尚有衆生未成佛肯超欲界入諸禪

次韻公闢卽席呈太虛

與君鄰並共烟霞乘興時時過我家更漏一新聞  
曉角門闌數級看秋花湖山對值全如買風月相  
期不用賒賴有醉毫吟更苦他年分作句圖誇

寄公闢

憶昔都門手一攜春禽初向苧蘿啼夢回金殿風  
光別吟到銀河月影低舞急錦腰迎十八酒醒玉  
盞照東西何時得遂扁舟去邂逅從君訪剡溪

奉和莘老

童子何知幸最深久班籍湜奉登臨挾經屢造芝  
蘭室揮麈常聆金玉音黃卷香焚春晡晚絳紗人  
散夜蕭森明朝只恐絲綸下回首青雲萬里心

擬杜子美

紫領寬袍漉酒巾江頭蕭散作閑人悲風有意催

林葉落日無情下水濱車馬憧憧諸道路市朝衮  
衮共埃塵覓錢稚子啼紅頰不信山翁篋笥貧

擬杜牧之

鼓鼙夜戰北窻風霜葉鋪堦疊亂紅一段新愁驚  
枕上幾聲悲雁落雲中眼前時節看馳馬日下生  
涯寄斷蓬弟妹別來勞夢寐杳無消息過江東

擬白樂天

不因霜葉辭林去的當山翁未覺秋北里酒錢煩  
屢索南州詩債懶頻酌欲歌金縷羞紅粉擬插黃

花避白頭底事登臨好時節等閑收拾許多愁  
不問題闔求仁虛樂亭三首未嘗於北里  
禪房幽構徑彎環噪鵲鳴鳩盡日閑隱几冥濛超  
物表畫圖髣髴見林間寒簾雲吐池中月岸幘天  
橫竹外山秋興已闌成麗句板輿時此慰慈顏  
長官平昔嗜林丘僧與開亭待勝遊脩竹圓環扶  
碧瓦小池方折轉清流春深鷓鴣催詩句夜靜蟾  
蜍入酒舟只恐政成留不得縣人空此憶常游  
誰構新亭近翠微似教陶令狎天機池光引月來

簷廡竹影疏風到客衣愛酒有時攜玉斝無絃聊  
自拂金徽人間此樂應無幾肯向良辰與物違

懷李公擇學士

青髮從遊各白袍老來邂逅更陶陶尺書繼月傳  
雙鯉相見何時詠百勞諫草十年聊閣筆坐棠三  
郡不更刀靈崖灤水堪行樂時事紛紛劇蝟毛  
畫船京口見停橈蕭洒渾疑謝與陶但把好山供  
勝踐不將餘論掛塵勞諫垣天下經焚草藩國年  
來屢夢刀北路近傳新政美未嘗因物彊吹毛



題湯泉

滿斛泠泠注不窮  
幻塵乾慧洗皆空  
法流水接諸天上  
神漢香聞一國中  
金粟示爲除病惱  
跋陀仍已獲圓通  
馬蹄又入風埃去  
回首吳吟謝逴翁

流觴亭并次韻

臥龍西畔北池頭  
水擘華堂瑟瑟流  
幾曲漪漣盤翠帶  
一峯孤秀浴蒼虬  
香囊近午清無汗  
素扇生涼爽入秋  
待喚畫師來貌取  
圖成便是竹溪遊

遊龍瑞宮次程公韻次韻朱李二君見寄

東阡北陌坐淹時  
偶爲高風振羽儀  
十丈蓮花開處遠  
三年楮葉刻成遲  
鬢毛但速安仁老  
錢粟難輸曼倩饑  
尚賴故人遙省憶  
發揮春色有新詩

睡足軒

數椽空屋枕清流  
一榻蕭然散百憂  
終日掩關塵境謝  
有時開卷古人遊  
鳴鳩去後滄浪晚  
飛雨來初菑菑秋  
此處便令君睡足  
何須雲夢澤南州

寄孫莘老少監

一出承明七換麾  
君恩復許上彤墀  
白衣蒼狗無

常態璞玉渾金有定姿  
天上圖書森似舊  
人間歲月浪如馳  
鼇頭只在蓬山畔  
行赴蟠桃熟後期  
次韻馬忠玉喜王定國還自濱州  
淮海相逢一解顏  
紛紛歲月夢魂間  
初驚漁艇迷  
花去忽認星槎拂  
斗還桂嶺暮登猿  
斷續槐堂春  
到鳥綿蠻石渠舊  
議行當復未信佳  
時得自閑

寄李公擇郎中

節旄淮畔脫秋風  
忽跨鯨魚上碧空  
華秀兩跗當  
重露支成五色在  
高桐江南又說衣  
冠盛廷右仍

瞻禮樂隆朝  
睨旣升淮海見  
漉漉雨雪自消融

次韻子瞻贈金山寶覺大師

雲峯一變隔炎涼  
猶喜重來飯積香  
宿鳥水干迎  
曉鬧亂帆天際受  
風忙青鞋踏雨尋  
幽徑朱火籠  
紗語上方珍  
重故人敦妙契  
自憐身世兩微茫

遊鑑湖

畫舫珠簾出繚牆  
天風吹到芰荷鄉  
水光入座杯  
盤瑩花氣侵人笑  
語香翡翠側身窺  
綠酒蜻蜒偷  
眼避紅粧  
葡萄力緩單衣怯  
始信湖中五月涼

別程公闢給事  
人物風流推鎮東  
夕郎持節作元戎  
罇前倦客劉  
師命月下清歌盛  
小叢裘弊黑貂  
霜正急書傳黃  
犬歲將窮買舟江  
上辭公去迴首  
蓬萊夢寐中  
客有傳朝議欲以  
子瞻使高麗大臣  
有惜其  
去者白罷之作詩  
以紀其事

學士風流異域傳  
幾航雲海使南天  
不因名動五  
千里豈見文高二  
百年貢外別題求  
妙札錦中翻  
樣織新篇淹留却  
恨鴛行舊不得飛  
觴駐蹕前

顯之禪老許以草庵見處作詩以約之

橡葉岡頭釋馬銜  
區中奇觀得窮探  
崖空飛鼠聲  
相應江靜群峯影  
倒涵居士碧雲裁  
秀句道人哀  
玉扣清談偶成二  
老風流事不是三  
乘宿草庵

和孫莘老遊龍洞

葦蕭傳火度冥冥  
乍入清都醉魄醒  
草隱月崖垂  
鳳尾風生陰穴帶  
龍腥壁間泉貯千  
鍾碧門外天  
橫數尺青更欲仗  
筇留頃刻却疑朝  
市已千齡

寄新息王令藏春塢

令尹才高寺爲空歲時行樂與民同旋開小塢藏  
春色更製新聲寫土風客向樽前忘爾汝路穿花  
去失西東無言媯女今焉在桃李相傳恨未窮

次韻太守向公登樓眺望二首

茫茫汝水抱城根野色淪春入燒痕千點湘妃枝  
上淚一聲杜宇水邊魂遙憐鴻隙陂穿路尚想元  
和賊負恩粉堞女牆都已盡恍如陶侃夢天門  
庖烟起處認孤村天色清寒不見痕車網湖邊梅  
濺淚壺分祠畔并銷魂封疆盡是春秋國廟食多

懷將相思試問李斯長歎後誰牽黃犬出東門

寄錢節

論月柴門不浪開命車良爲故人來茫然極目春  
千里尚想愁腸日九回綠水池邊聊復爾黃梁枕  
上信悠哉何時共約參寥子自擷菁菁作飯材

次韻答裴仲謨

十年淮海間居草偶遣兒童次第成方愧貧家矜  
敝帚忽蒙鄰壁借餘明文昌但願花前老張翰何  
須身後名移病闔門參拜阻臥聽車馬去來聲

答曾存之

環堵蕭然汝水隈孤懷炯炯向誰開  
青春不覺書邊過白髮無端鏡上來  
祭竈請鄰聊復爾賣刀買犢豈難哉  
故人休說封侯事歸釣江天有舊臺

春日寓直有懷參寥

觚稜金爵自昭曠藏室春深更寂寥  
捫虱幽花欵露葉岸巾高柳轉風條  
文書几上鬚髯變鞍馬塵中歲月銷  
何日一筇江海上與君徐步看生潮

答閻求仁謝參寥于溫訪於墳所

老漚城西木半摧崑崙岡下路新開  
故人此地銜憂去禪客他時問疾回  
聞爲樹風增未感却因水鳥證西來  
已謀寒食鷗羸馬細聽清談動玉哀

與鄧慎思沐於啟聖遇李端叔

羸兵瘦馬犯黃塵自笑區區夢裏身  
不是對花能伏老自緣無酒可澆春  
校書天祿陪群彥晞髮陽阿遇故人  
三百六旬如此少更添香火坐逡巡

燕觴亭

碧流如鏡羽觴飛夏木陰陰五月時  
清渭日長遊

女困武陵春去落花遲玉笙吹罷觥籌錯窈窕炬燒  
殘簪珥遺吳越風流公第一未輸山簡習家池

會蓬萊閣

冠裳蓋坐灑清風軒外時聞韻籜龍人面春生紅  
玉液銀盤烟覆紫馳峯天涵秋色山山共樹覺鄉  
思葉葉重便欲買船江北去爲懷明德更從容

秦少游詩集

宋秦觀

少游甫著

明潘是仁

訥叔甫輯校

七言絕句

春日三首

袂衣新著倦琴書散策池塘返照初翠碧黃鸝相  
續去荇絲深處見遊魚

春禽葉底引圓吭臨罷黃庭日正長滿院柳花寒  
食後旋鑽新火爨爐香

金屋舊題煩乙子蜜脾新採賴蜂臣  
蜻蜒蛺蝶無情思隨例顛忙過一春

早春

黃金簌簌滿垂楊尚有春寒到畫堂  
酒力漸銷歌扇怯入簾飛雪帶梅香

無題

掃地燒香閉閣眠  
簾紋如水帳如煙  
客來夢覺知何處  
挂起西窻浪接天

金山晚眺

西津江口月初弦  
水氣昏昏上接天  
清渚白沙茫不辨  
只應燈火是漁船

雪上感懷

七年三過白蘋洲  
長與諸豪載酒游  
舊事欲尋無處問  
雨荷風蓼不勝秋

春詞絕句五首

蒲萄裊暖蕙薰微  
紅日窺軒睡覺時  
人倦披衣雙燕出  
青絲高罨木蘭枝

弱雲亭午弄春嬌  
高柳無風妥翠條  
懶讀夜書搔

短髮隔垣時聽賣餠簫  
都城春富百花披長意人歸駐馬時淺色御黃應  
好在爲誰還發去年枝  
風驅白雨洗園林蔽地飛花一寸深狂紫浪紅俱  
已矣老春雖在何心  
顛毛漸脫風情少匣劍空存俠氣銷人遠地偏無  
酒肉春深花鳥謾相撩

呈李公擇

青篋擘處銀鈎斷紅袂分時玉筋懸雲脚漸收風

色紫半規斜日射歸船

賞酴醾有感

春來百物不入眼唯見此花堪斷腸借問斷腸緣  
底事羅衣曾似此花香

首夏

節物相催各自新癡心兒女挽留春芳菲過盡何  
須恨夏木陰陰正可人

照閣

獼猴鏡裏三身現龍女珠中萬象開未若此軒人



散後水光清泛月華來

睡足寮寄震鼎二弟

與物無營但欲眠客來從笑腹便便秋生淮海涼  
如水得句還應夢阿連

春日

幅巾投曉入西園春動林塘物物鮮却憇小庭纔  
日出海棠花發麝香眠

秋日

霜落邗溝積水清寒星無數傍船明菰蒲深處疑

無地忽有人家笑語聲

月團新碾瀹花蘂飲罷呼兒課楚詞風定小軒無  
落葉青蟲相對吐秋絲

連卷雌蜺掛西樓逐雨追晴意未休安得萬粧相  
向舞酒醺聊把作纏頭

次韻子由召伯埭見別二首

孤蓬短榜沂河流無賴寒侵紫綺裘召伯埭南春  
欲盡爲公重賦伴牢愁

青熒燈火照深更逐客舟航冷似冰到處故應山

作主隨方還有月爲朋

還自廣陵

邗溝繚繞上雲空坐阻層冰不得通  
賴有東風可人意爲開明鏡玉奩中

天寒水鳥自相依十百爲群戲落暉  
過盡行人都不起忽聞水響一齊飛

陰風一夜攪青冥風定霏霏霰雪零  
遙想玉真清境上白虛光裏誦黃庭

夜深樓上撥書眠天在欄干四角邊  
風拂亂雲臺

髮盡獨留壁月向人圓

天風吹月入欄干鳥鵲無聲子夜闌  
織女明星來枕上了知身不在人間

本是匡山種杏人出山來事碧虛君  
上清欲問因何事請看先山十丈文

天風吹月人歸  
林上青松四  
溪盡歸  
林上青松四  
天風吹月人歸  
林上青松四  
溪盡歸



